

22.

Rura felices bobus incolebant,  
Horrea & lætis opibus prementes,  
Principem, Baccum, Cererem colebant  
Thure Coloni.

23.

Inter illotos Pater ipse natos,  
Lata carpebat senior laborum  
Dona, nec sævus pia polluebat  
Gaudia Mavors.

24.

Hæc erant almæ veneranda pacis  
Munera, horrendo tenuata nuper  
Marte, sed quæ, te redeunte, multo  
Plura redibunt.

25.

Nunc Jovi magno placitum relinquo  
Mobilem prima novitate plebem;  
Hic bonus regnes, populi que dones  
Jura Lothrecis.

26.

Surge spectanti generosus oræ,  
Surge STANISLA, redeant amœna  
Quæ repentinis siluere nuper  
Gaudia bellis.

27.

Principum multis benefacta sæclis  
Certius vivent, sed in omne vivet  
Tempus, amissum sine lege Regnum  
Juraque Regni.

28.

Unus infando potis es medelam  
Ferre mœrori, quibus affluébant  
Principes donis radias, nec ullis  
Regibus impar.